

«ՄՇԱԿՈՒԹԱՅԻՆ ՕՐԵՆՍԴՐՈՒԹՅԱՆ ՀԻՄՈՒՆՔՆԵՐԻ ՄԱՍԻՆ ՕՐԵՆՔՈՒՄ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ»

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

Օ Ր Ե Ն Ք Ը

«ՄՇԱԿՈՒԹԱՅԻՆ ՕՐԵՆՍԴՐՈՒԹՅԱՆ ՀԻՄՈՒՆՔՆԵՐԻ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հոդված 1. Օրենքի 6-րդ հոդվածի «մշակութային բարիքներ՝ իրավաբանական և ֆիզիկական անձանց կողմից բնակչության մշակութային պահանջմունքների բավարարման նպատակով մատուցվող մշակութային ծառայություններ և իրացվող մշակութային արտադրանք (ապրանքներ).» հասկացությունից հետո լրացնել հետևյալ հասկացությամբ.

«մշակութային կազմակերպություն՝ կազմակերպություն, որի ստեղծման հիմնական նպատակը մշակութային գործունեության իրականացումն է.»:

Հոդված 2. Օրենքի 6-րդ հոդվածի «մշակութային ոչ առևտրային կազմակերպություն» հասկացությունը շարադրել հետևյալ խմբագրությամբ.

«մշակութային ոչ առևտրային կազմակերպություն՝ մշակութային կազմակերպություն, որի հիմնադիրն է Հայաստանի Հանրապետության կառավարությունը, որի ստեղծման հիմնական նպատակը մշակութային գործունեության իրականացումն է՝ որը բխում է պետության կողմից իրականացվող մշակութային քաղաքականությունից և ռազմավարությունից.»:

Հոդված 3. Օրենքի 18.1.-ին հոդվածը շարադրել նոր խմբագրությամբ.
«Հոդված 18.1. Մշակութային ոչ առևտրային կազմակերպությունների աշխատողները

1 . Սույն օրենքի 6-րդ հոդվածով սահմանված մշակութային ոչ առևտրային կազմակերպությունների աշխատողներն իրականացնում են տվյալ ոլորտը կարգավորող նորմատիվ իրավական ակտերին համապատասխան գործառույթներ՝ համաձայն տվյալ պաշտոնի նկարագրի և պայմանագրի:

2 . Մշակութային ոչ առևտրային կազմակերպությունների ստեղծագործական աշխատողների կարգավիճակը, աշխատողների պաշտոնների անվանացանկը, դրանց ներկայացվող պահանջները և օրինակելի նկարագիրը սահմանելու, զբաղեցրած պաշտոնին համապատասխանությունը ստուգելու նպատակով ատեստավորում

անցկացնելու, ատեստավորման անցկացման պարբերականությունը, ժամկետները և արդյունքների բողոքարկման, ատեստավորման անցկացման համար ատեստավորման հանձնաժողով ձևավորելու կարգը սահմանում է լիազորված պետական մարմինը:»

3 . Մշակութային ոչ առևտրային կազմակերպության ստեղծագործական աշխատողի ցուցաբերած

համապատասխան արդյունքը հիմք է ատեստավորման գործընթացում դրույքաչափի փոփոխության և հավելավճարի

(ելույթավճարի) սահմանման համար: Ատեստավորման արդյունքներով դրույքաչափերի փոփոխության և

հավելավճարի (ելույթավճարի) սահմանման դեպքերը և չափը սահմանում է Հայաստանի Հանրապետության

կառավարությունը:

Հոդված 4. Օրենքի 21-րդ հոդվածի 6-րդ և 9-րդ կետերը ուժը կորցրած ճանաչել.

Հոդված 5. Օրենքի 21-րդ հոդվածի 7-րդ և 11-րդ կետերը շարադրել նոր խմբագրությամբ.

«7) հաստատում է պետական բյուջեով նախատեսված մշակութային ծրագրերի և միջոցառումների ֆինանսավորման

կարգը.»

«11) աջակցում է պետություն-մասնավոր համագործակցությունը»

Հոդված 6. Օրենքի 21-րդ հոդվածի 11-րդ կետից հետո լրացնել հետևյալ կետը.

«12) հաստատում է մշակութային կազմակերպությունների կամ

միջոցառումների ֆինանսավորման փորձնական

մոդելների ներդրման ծրագրեր»

Հոդված 7. Օրենքի 22-րդ հոդվածի 11-րդ կետից հետո լրացնել հետևյալ կետերը.

«12) սահմանում է Հայաստանի Հանրապետության պետական բյուջեի միջոցների հաշվին իրականացվող

մշակութային միջոցառումների անցկացման հետ կապված ծախսերի նորմատիվները:»

«13) հաստատում է միջազգային միջոցառումներին և նախագծերին մասնակցելու համար անհատ

կատարողներին, ստեղծագործողներին, մշակույթի գործիչներին և

ստեղծագործական խմբերին Հայաստանի

Հանրապետության պետական բյուջեով նախատեսված նպաստ տրամադրելու կարգը և չափորոշիչները:»

Հոդված 8. Անցումային և եզրափակիչ դրույթներ.

1. Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրը:

2. Սույն օրենքից բխող նորմատիվ իրավական ակտերն ընդունվում են օրենքն ուժի մեջ մտնելուց 9 ամիս հետո:

3. Սույն օրենքի ուժի մեջ մտնելուց հետո գործող «ազգային» կարգավիճակ ունեցող կազմակերպությունները

պահպանում են իրենց «ազգային» կարգավիճակը: